

Gonz elähn - Adam Marcel

1995

Wenn de Opa unn de Oma

Wenn de Opa unn de Oma in Blidderschdorf zum Dònze gehn
Dò isch was los, das kònn isch dir sòn
Vom erschde bis zum letschde Walza bliwwe die zwei uff de Bään stehn
Unn kanner kritt se runner von de Bòn
Bim Rock 'n Roll dò schmißt er de Oma iwwer sisch
Bim Musette schmuse se uff frónzesch
Bim Paso waggelt se mit 'm Bòbbes uff spònisch
Bim Tango geht er ihr òn de Wäsch

Wenn de Opa unn de Oma sunndaas zum Fußballplatz gehn
Dò isch was los, das kònn isch dir sòn
Dò mache se die Ola unn finne es zum Frägge scheen
Wenn de Geschner äni kritt uff de Pòn
Bi jedem Geijedòr krische se Schiedsrichter russ
Bleeder Fònzòòs, du bisch ja wohl blämm-blämm
In de Paus, dò schlugge se ne Bròödwaschd mit Bier unn Schuß
Nò 'm Schlußpiff laafe se mit Gas hämm

Wenn de Opa unn de Oma in de Kirsch zum bäade gehn
Dò isch was los, das kònn isch dir sòn
Se singe Halleluja, de liewe Gott soll uns bistehn
Dònn watscheln se noch zur Kommunion
Bi jedi Beärdischung, dò tabbe se mit
Unn se fòòze, die hat's hinner sich
Fir dänne hònn die Glogge zum letschde mòl gelitt
Gehsch'de noch mit zum Apéritiv

Wenn de Opa unn de Oma zum Hochzeitsdaa ins Schlòòfzimmer gehn
Dò isch was los, das kònn isch dir sòn
Sie röppt ihm de Pyjama vom Buch, de Strimp von de Zeh'n
Unn er zeit, daß er's mit ninzisch noch kònn
Ja dò quietscht die Matratz wie de Reißverschluß vom Latz
De Unnerbux hängt òm Kruzzifix
Alles quiect unn im Keller geht de Hund uff de Katz
Unn alle kumme se in null komma nix

Wenn de Opa unn de Oma, awwer de Opa der läbt nimmé
Unn de Oma isch schon lònng nimmé dò
Isch denk òn se jede Daa, die zwei die fäale mir sehr
Unn was isch sing', das isch nur selde gelòò

Ja was isch sing', das isch nur selde gelòò

Commentaires

Text und Musik: Marcel Adam
Arrangement: Winni Huber
Gitarre: Gaetano Carri, Marcel Adam